



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP-1/21-3-40-395-4/25**

Datum: **11.11.2025. godine**

«Agencija za vodno područje rijeke Save» Sarajevo, rješavajući po zahtjevu Javnog preduzeća «KOMUNALNO» d.o.o. Breza za donošenje rješenja o vodnoj dozvoli za ispuštanje tehnoloških otpadnih voda u prirodni recipijent iz objekta postrojenja za pripremu pitke vode za potrebe snabdijevanja pitkom vodom potrošača na području općine Breza, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98, 48/99 i 61/22), donosi

RJEŠENJE **o vodnoj dozvoli**

1. Daje se vodna dozvola Javnom preduzeću «KOMUNALNO» d.o.o. Breza za ispuštanje tehnoloških otpadnih voda u prirodni recipijent iz objekta Postrojenja za pripremu pitke vode (kapacitet 40 l/s) izgrađenog na lokalitetu Dabravine - Hodžići na parceli označenoj kao k.č. broj: 1474/5 K.O. Striježevo, općina Vareš, a za potrebe snabdijevanja pitkom vodom potrošača na području općine Breza.
2. Vodna dozvola se daje na osnovu dostavljene dokumentacije, utvrđenog činjeničnog stanja tokom uviđaja izvršenog na lokaciji objekta i uz sljedeće uslove:
 - 2.1. Da korisnik predmetnog objekta isti održava u funkcionalnom stanju i koristi u skladu sa njegovom prirodom i namjenom te u skladu sa uslovima iz ove vodne dozvole.
 - 2.2. Da korisnik predmetnog objekta obezbijedi stalni i sistematski pregled vode od strane ovlaštene laboratorije, te poduzme sve potrebne mjere za osiguranje zdravstveno ispravne vode za piće. Kontrolu ispitivanja kvaliteta vode za potrebe snabdijevanja vodom za piće stanovništva mogu vršiti samo ovlaštene laboratorije u skladu sa članom 48. stav (3) Zakona o vodama («Službene novine Federacije BiH», broj 70/06).
 - 2.3. Da se zahvaćena voda prečišćava na postrojenju za pripremu pitke vode primjenom odabrane tehnologije koja će dati vodu za piće propisanu važećim Pravilnikom o zdravstvenoj ispravnosti vode za piće («Službeni glasnik BiH», broj 40/10, 43/10, 30/12 i 62/17).
 - 2.4. Da se, ukoliko se redovnim ili vanrednim analizama kvaliteta vode utvrdi da ova ne zadovoljava uslove vode za piće propisane Pravilnikom o zdravstvenoj ispravnosti vode za piće, vodovodni sistem isključi iz upotrebe, odnosno blagovremeno i na adekvatan način obavijeste krajnji potrošači da voda nije za piće.
 - 2.5. Da se vrši stalna dezinfekcija vode hlorisanjem kao i kontrola rezidualnog hlora u gradskoj mreži, a u skladu sa Pravilnikom o zdravstvenoj ispravnosti vode za piće.
 - 2.6. Da se uredno vodi dnevnik rada u koji će se unositi podaci o postupku hlorinacije i potrošnji svih hemikalija.
 - 2.7. Da se u skladištu hemikalija, dozir stanici ili na mjestima pretakanja hemikalija obezbijedi adekvatan apsorber za prikupljanje hemikalija u slučaju incidentnog izljevanja. U skladišnom prostoru i na mjestima pretakanja nije dozvoljeno postavljanje podnih slivnika.
 - 2.8. Da se vrši redovna kontrola uskladištenih hemikalija i obezbijede svi potrebni uslovi u cilju sprečavanja zagađenja površinskih i podzemnih voda uskladištenim materijama.
 - 2.9. Da se obezbijedi tehnička ispravnost ugrađene opreme na postrojenju kao i na objektima transportnog sistema (pumpe, zatvarači, vodomjeri ...).
 - 2.10. Da se u toku važenja ove dozvole, prema postojećoj projektnoj dokumentaciji, izvrši izgradnja laguna za tretman zamuljenih voda od pranja filtera i odmuljivanjem taložnika prije ispusta u rijeku Stavnju.
 - 2.11. Da se, do izgradnje lagune, tehnološke otpadne vode iz postrojenja za pripremu pitke vode nastale pranjem filtera, odmuljivanjem taložnika i sl. prikupljaju zasebnim kanalizacionim sistemom te preko okna za monitoring ispuštaju u rijeku Stavnju.

- 2.12. Da se poduzmu sve potrebne mjere kojima bi se obezbijedilo da prečišćene otpadne vode prije ispuštanja u recipijent – rijeka Stavnja, ostanu u maksimalno dopuštenim granicama definisanim u Tabeli 1.1. Priloga 1. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20, 96/20 i 1/24).
- 2.13. Da se na ekološki prihvatljiv način riješi trajno zbrinjavanje mulja nastalog na postrojenju za pripremu pitke vode, pri čemu se zabranjuje njegovo odlaganje na vodno dobro, javno vodno dobro, obale i korito vodotoka.
- 2.14. Vlasnik odnosno korisnik predmetnog objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/13, 26/14, 23/17 i 41/20).
- 2.15. Vlasnik odnosno korisnik objekta je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje voda i nisu u suprotnosti sa uslovima iz ove vodne dozvole.
3. Vlasnik, odnosno korisnik predmetnog objekta je obavezan voditi propisne evidencije, te nadležnim organima dostavljati propisane obrasce u skladu sa Zakonom o vodama i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16), te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada za korištenje vode i ispuštanje otpadnih voda.
4. U slučaju vanrednih situacija, havarijskih onečišćenja i drugih sličnih okolnosti čime bi bio ugrožen kvalitet voda obavezno izvijestiti nadležne organe i postupati po nalogu mjerodavnih institucija te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
5. Ukoliko prilikom upotrebe predmetnog objekta za koji se izdaje ova vodna dozvola dođe do promjene režima površinskih i podzemnih voda, a te promjene prouzrokuju štete ma kakvog karaktera, korisnik objekata je dužan uzroke štete otkloniti, a nastale štete nadoknaditi.
6. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
7. U ovoj upravnoj stvari plaćene su sve upravne takse.
8. Ova vodna dozvola, shodno članu 117. stav (1) i članu 129. Zakona o vodama se daje sa rokom važenja od 5 (pet) godina od dana pravosnažnosti ovog Rješenja.
9. Prije isteka važnosti ove dozvole korisnik je dužan da podnese zahtjev za izdavanje nove vodne dozvole.
10. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Javno preduzeće «KOMUNALNO» d.o.o. Breza podnijelo je Agenciji dana 19.09.2025. godine zahtjev za izdavanje vodne dozvole za ispuštanje tehnoloških otpadnih voda u prirodni recipijent iz objekta Postrojenja za pripremu pitke vode (kapacitet 40 l/s) izgrađenog na lokalitetu Dabravine - Hodžići na parceli označenoj kao k.č. broj: 1474/5 K.O. Striježevo, općina Vareš a za potrebe snabdijevanja pitkom vodom potrošača na području općine Breza.

U provedenom postupku, uz zahtjev za izdavanje vodne dozvole dostavljena je i pregledana sljedeća dokumentacija:

- Ovjereni kopija Aktuelnog izvoda iz sudskog registra broj: 043-0-RegZ-25-001621 izdatog dana 15.05.2025. godine od strane Općinskog suda u Zenici,

- Ovjerena kopija Uvjerenja o poreznoj registraciji izdatog dana 18.04.2014. godine od strane Porezne uprave Federacije BiH – Kantonalni porezni ured Zenica,
- Ovjerena kopija Uvjerenja o registraciji/upisu u Jedinstveni registar obveznika indirektnih poreza broj: 04/1-17-1-UPJR/1-1620-2/14 izdatog dana 11.03.2014. godine od strane Uprave za indirektno-neizravno oporezivanje Banja Luka,
- Kopija Rješenja o vodnoj dozvoli broj: UP-I/25-3-40-311-5/20 izdatog dana 24.09.2020. godine od strane «Agencije za vodno područje rijeke Save» Sarajevo,
- Kopija Pravilnika o održavanju, korištenju i osmatranju objekata komunalnog vodovodnog sistema Breza broj: 1621-31-05-13-2/18 donesenog dana 31.05.2018. godine od strane Nadzornog odbora JP «KOMUNALNO» d.o.o. Breza,
- Kopija Rješenja o odobrenju gradnje postrojenja za kondicioniranje vode za piće broj: 02/4-23-2-86/08 izdatog dana 10.09.2008. godine od strane Načelnika općine Vareš,
- Kopija Rješenja kojim se odobrava upotreba postrojenja za kondicioniranje vode za piće broj: 02/4-23-5-4474/11 izdatog dana 28.09.2011. godine od strane Načelnika općine Vareš,
- Kopija Izvještaja komisije o izvršenom tehničkom pregledu izvedenih radova na predmetnom objektu od septembra 2011. godine,
- Kopije Izvještaja o monitoringu kvaliteta i kvantiteta tehnoloških otpadnih voda iz Postrojenja za kondicioniranje vode za piće JP «KOMUNALNO» d.o.o. Breza broj: 327/25, mart 2025. godine i broj: 1836/25, septembar 2025. godine urađeni od strane «Inspekt - RGH» d.o.o. Sarajevo,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima, načinu izdavanja i čuvanja vodnih akata («Službene novine Federacije BiH», broj: 31/15, 55/19, 41/20 i 63/22), izvršen je obilazak predmetnog Postrojenja za pripremu pitke vode na lokalitetu Dabravine - Hodžići, općina Vareš i tom prilikom je sačinjen zapisnik o izvršenom uviđaju broj: UP-1/21-3-40-395-3/25 od 04.11.2025. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Za potrebe tretmana vode zahvaćene na izvorištu «Mala rijeka» a u svrhu snabdijevanja pitkom vodom stanovnika općine Breza, na lokalitetu Dabravine – Hodžići, općina Vareš izgrađeno je postrojenje za tretman sirove vode kapaciteta 40 l/s. Voda se od izvorišta do postrojenja distribuira gravitacionim cjevovodom Ø 200 mm. U objektu postrojenja su instalirani elektronski mjerači protoka za sirovu i prečišćenu vodu. Na ulazu u postrojenje ugrađen je turbidimetar za mjerenje mutnoće vode.

Postupak prečišćavanja sirove vode odvija se kroz sljedeće faze: aeracija, oksidacija, koagulacija, flokulacija, taloženje, filtracija i dezinfekcija.

Nakon tretmana, voda se odvodi do izvorišta «Milkino vrelo», koristi za prihranjivanje istog a potom, nakon konačne dezinfekcije doziranjem gasnog hlora putem mjerno regulacijske opreme na Medića pumpi u centru grada, potisnim cjevovodom odvodi u rezervoar «Križ» kapaciteta 600 m³ odakle se distribuira prema potrošačima općine Breza. Redovno se rade mikrobiološka i fizičko-hemijska analiza vode od strane Instituta za zdravlje i sigurnost hrane Zenica.

Tehnološke otpadne vode nastale odmuljivanjem dinamičkog taložnika, pranjem filtera, bazena, posuda za pripremu hemikalija i radnih površina se prikupljaju zasebnim kanalizacionim sistemom te preko taložnog/revizionog okna izgrađenog u neposrednoj blizini postrojenja ispuštaju u rijeku Stavnju. Projektnom dokumentacijom predviđena laguna za tretman zamuljenih voda prije ispusta u rijeku Stavnju nije izvedena.

Monitoring otpadnih voda se vrši redovno. Na uvid predočen Izvještaji o monitoringu kvaliteta i kvantiteta otpadnih voda Postrojenja za pripremu pitke vode urađeni od strane «Inspekt-RGH» d.o.o. Sarajevo, mart i septembar 2025. godine. Ispitivani parametri zadovoljavaju MDK utvrđene Uredbom o uslovima ispuštanja otpadnih voda u okoliš i sisteme javne kanalizacije.

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva, Javno preduzeće «KOMUNALNO» d.o.o. Breza su ovom vodnom dozvolom u tački 2. dispozitiva rješenja, propisani uslovi kojih se dužan pridržavati prilikom korištenja predmetnog postrojenja shodno odredbama člana 115. do člana 118. Zakona o vodama, člana 12. i 13. Pravilnika o sadržaju, obliku, uslovima, načinu izdavanja i čuvanja vodnih akata i odredbama Uredbe o uslovima ispuštanja otpadnih voda u okoliš i sisteme javne kanalizacije.

Tačka 3. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11 i 88/12) i Odlukom o visini posebnih vodnih naknada («Službene novine Federacije BiH», broj 46/07).

Na osnovu provedenog postupka, konstatuje se da je podnosilac zahtjeva, Javno preduzeće «KOMUNALNO» d.o.o. Breza, ispunio minimum uslova za izdavanje vodne dozvole za ispuštanje tehnoloških otpadnih voda u prirodni recipijent iz objekta Postrojenja za pripremu pitke vode izgrađenog na lokalitetu Dabravine – Hodžići, općina Vareš a za potrebe snabdijevanja pitkom vodom potrošača na području općine Breza te je riješeno kao u dispozitivu ovog Rješenja.

U skladu sa članom 61. Zakona o vodama i odredbama Pravilnika o postupcima i mjerama u slučajevima akcidenta na vodama i obalnom vodnom zemljištu («Službene novine Federacije BiH», broj 71/09 i 102/18) korisniku predmetnog pogona utvrđene su obaveze u tački 4. dispozitiva ovog Rješenja.

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-395-2/25 od 31.10.2025. godine.

Podnosilac zahtjeva je uplatio upravnu taksu u iznosu od 70 KM u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:

Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obradivač akta:

Nermina Hodžić, dipl.inž.građ.

Po ovlaštenju
Rukovodilac sektora za izdavanje
vodnih akata



Nihad Pezo
Nihad Pezo, dipl.inž.građ.

Dostaviti:

- JP «KOMUNALNO» d.o.o. Breza
ul. ZAVNOBiH-a br 6, 71370 Breza
- ⓪ AVP Sava, ISV – Vodna knjiga
- Sektor 50
- Sektor 40 - arhiva
- Oglasna ploča - AVP Sava